

**BOSNA I HERCEGOVINA
FEDERACIJA BOSNE I HERCEGOVINE
Federalna agencija za upravljanje oduzetom imovinom**

**PLAN RADA
FEDERALNE AGENCIJE ZA UPRAVLJANJE ODUZETOM IMOVINOM
ZA 2019. GODINU**

Sarajevo, novembar/listopad 2018. godine

1. UVOD

Federalna agencija za upravljanje oduzetom imovinom (u daljem tekstu: Agencija) je nezavisna i samostalna upravna organizacija osnovana Zakonom o oduzimanju nezakonito stečene imovine krivičnim djelom („Službene novine Federacije BiH“, broj 71/14). Agencija u skladu sa Zakonom o oduzimanju nezakonito stečene imovine krivičnim djelom u Federaciji Bosne i Hercegovine (u daljnjem tekstu: Zakon) obavlja poslove iz nadležnosti koje su joj utvrđene članom 30. Zakona, i to:

- upravljanje privremeno oduzetom i oduzetom imovinom po odredbama Zakona i drugih zakona;
- provođenje analiza u području oduzimanja imovinske koristi pribavljene krivičnim djelom;
- stručnu edukaciju iz područja finansijskih istraga i oduzimanja imovinske koristi pribavljene krivičnim djelom, i
- druge poslove propisane Zakonom.

2. SAŽETAK PRIORITETA ZA PLANSKU GODINU, KAO I PROCJENE MOGUĆIH PROBLEMA I RIZIKA U REALIZACIJI

Plan Agencije za 2019. godinu se temelji na viziji Agencije da u narednoj godini unaprijedi sistemski, koordinirano, transparentno, sa pažnjom dobrog domaćina upravljanje oduzetom imovinom stečenom izvršenjem krivičnog djela. S tim u vezi utvrđen je jedan prioritetni strateški pravac djelovanja, te shodno njemu, definisane posebne aktivnosti za postizanje postavljenog cilja. Dakle, Agencija će svoje aktivnosti u 2019. godini usmjeriti na ostvarenje jednog strateškog cilja - **Povećanje učinkovitosti svih procesa koji su direktno ili indirektno vezani za proces upravljanja oduzetom imovinom u skladu sa legislativom i dobrom praksom Evropske unije** i pet operativnih ciljeva koji su vezani za nadležnost i aktivnosti organizacionih jedinica Agencije, i to:

1. Operativni cilj 1 – Očuvanje vrijednosti oduzete imovine,
2. Operativni cilj 2 – Učinkovito postupanje sa trajno oduzetom imovinom,
3. Operativni cilj 3 - Provođenje analiza u području oduzimanja imovinske koristi pribavljene krivičnim djelom,
4. Operativni cilj 4 - Unapređenje saradnje i koordinacije između Agencije, pravosudnih organa, policijskih agencija i drugih institucija koje imaju obavezu da postupaju po odredbama Zakona, kao i drugih pravnih subjekata u Bosni i Hercegovini, te uspostavljanje i unapređenje saradnje sa istim ili sličnim agencijama iz zemalja regije i Evropske unije, kao i kontinuirana edukacija uposlenika navedenih institucija koji su direktno u vezi sa procesom oduzimanja nezakonito stečene imovinske koristi, i
5. Operativni cilj 5 – Iniciranje izmjena i dopuna zakonskih i podzakonskih akata i donošenje provedbenih akata koji normativno razrađuju proces oduzimanja i upravljanja nezakonito stečenom imovinom.

Operativni cilj 1 – Očuvanje vrijednosti oduzete imovine

U cilju izvršenja planiranih zadataka, Agencija će u 2019. godini nastojati da pronađe najefikasnije mehanizme upravljanja oduzetom imovinom sa ciljem da sačuva vrijednost imovine koja joj je povjerena, te da spriječi umanjeње njene vrijednosti.

Kako bi realizovala navedeni cilj Agencija će i u narednom periodu povjerenu imovinu na efikasan način preuzeti, te izvršiti njenu procjenu, nakon čega će se pristupiti upravljanju sa „pažnjom dobrog domaćina“. Povjerena motorna vozila će se skladištiti i redovno servisirati, a planirano je i dodjeljivanje istih na korištenje drugim državnim organima i institucijama. Povjerene nekretnine će Agencija davati u zakup uz redovno izvještavanje zakupaca o stanjima nekretnina, kao i redovnim obilascima nekretnina od strane zaposlenih iz Agencije.

Kako je upravljanje privrednim društvima najspecifičniji način upravljanja oduzetom imovinom, u ovakvim slučajevima će se i u budućnosti donositi odluka o prenosu prava upravljanja nad oduzetom imovinom na druga fizička ili pravna lice. Postavljena privremena uprava u društvima bit će i dalje u obavezi dostavljati Agenciji, mjesečne izvještaje o radu poslovanja društva.

Predmete od historijske, umjetničke i naučne vrijednosti Agencija će predati na čuvanje ili korištenje specijalizovanim institucijama koje se primarno finansiraju iz državnog, federalnog ili kantonalnog budžeta o čemu će Odluku donijeti Vlada Federacije Bosne i Hercegovine.

Mogući problemi i rizici u ostvarenju ovog cilja mogu biti ograničena budžetska sredstva u smislu da čuvanje i održavanje pojedinih oblika privremeno oduzete imovine iziskuje veće troškove održavanja. Kako bi prevazišla navedeni problem Agencija će u skladu sa zakonskim odredbama predlagati Vladi Federacije Bosne i Hercegovine donošenje Odluka o priznavanju i plaćanju troškova upravljanja, raspolaganja i uništenja imovine.

Operativni cilj 2 – Učinkovito postupanje sa trajno oduzetom imovinom

Budući da se Agencija u svom dosadašnjem radu susrela sa određenim izazovima koji se ogledaju u nedorečenosti ili nedostatku propisa koji uređuju postupanje sa trajno oduzetom imovinom, Agencija će pokrenuti inicijativu za izmjene i dopune postojećih propisa. Naime, propisi koji su trenutno na snazi Agenciji prilikom upravljanja sa trajno oduzetom imovinom daju jedino opciju prodaje ove vrste imovine, dok najbolja iskustva i prakse zemalja članica Evropske unije, a i šire, pokazuju da je korištenje trajno oduzete imovine za opći interes i društveno korisnu svrhu, u pojedinim slučajevima mnogo korisnije od prodaje takve vrste imovine. Slijedom navedenog, aktivnosti u 2019. godini bit će usmjerene na definisanje takvih procedura.

Kada je u pitanju prodaja imovine, Agencija će nastojati da trajno oduzetu imovinu po pravosnažnosti presude proda u skladu sa Zakonom, te da postigne maksimalnu cijenu. Prilikom prodaje imovine ostvarit će se transparentan i brz način prodaje, koji podrazumijeva provođenje javnog oglašavanja, objavljivanja oglasa na internet

stranicama, štampanim medijima, te ubrzano provođenje svih postupaka vezano za prodaju imovine, od donošenja odluke o prodaji do realizacije prodaje.

Mogući problemi i rizici u realizaciji ovog operativnog cilja mogu se pojaviti ukoliko predložene procedure za korištenje trajno oduzete imovine za opći interes i društveno korisnu svrhu ne budu prepoznati od strane zakonodavca, te ne budu usvojene. U praksi se često dešava i to da trajno oduzeta imovina koja potiče iz kriminalne djelatnosti i nakon više pokušaja ne bude prodana, tako da je i to jedna od činjenica koje govore u prilog tome, da je nekada takvu imovinu mnogo bolje namijeniti u opšte korisne svrhe nego je prodavati.

Operativni cilj 3 - Provođenje analiza u području oduzimanja imovinske koristi pribavljene krivičnim djelom

Aktivnosti Agencije u okviru provođenja ovog operativnog cilja u toku 2019. godine bit će fokusirane na nastavak aktivnosti započetih u 2018. godini, a koje se odnose na izgradnju novog sistema prikupljanja, procjene, upoređivanja, analize i raspodjele prikupljenih podataka, odnosno na harmonizaciji postupka izrade i primjene metodologije o načinu prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom.

Izgradnja ovog sistema ustvari predstavlja nadogradnju, odnosno razvoj Modula za evidentiranje oduzete imovine stečene krivičnim djelom, u sklopu Sistema za automatsko upravljanje predmetima u sudovima i tužilaštvima (CMS/TCMS) koje provodi Odjel za IKT sekretarijata Visokog sudskog i tužilačkog vijeća.

Konačnom uspostavom ovog modula obezbjedio bi se unificiran sistem elektronske razmjene podataka na osnovu kojeg bi se uspostavila jedinstvena baza podataka o pravosnažnim presudama sudova u kojima je izrečena mjera oduzimanja nezakonito stečene imovine. Na taj način Agencija bi uspostavila jedinstvenu, autentičnu i standardiziranu bazu podataka o sudskim postupcima u kojima je izrečena mjera privremenog ili trajnog oduzimanja imovinske koristi, na osnovu koje bi se uradila kvalitetna i sveobuhvatna analiza, a u cilju upoznavanja nadležnih institucija i javnosti o stanju u ovoj oblasti, kao i poboljšanju zakonskih i podzakonskih propisa u ovoj oblasti.

Cilj postojanja baze podataka je omogućavanje preciznog uvida u obim i strukturu imovine koja je oduzeta. Prikupljanje podataka o privremeno i trajno oduzetoj imovinskoj koristi, kao i podataka o izvršenju sudskih odluka je bitan instrument procjene učinkovitosti same mjere oduzimanja te imovine, dok je njihovo javno objavljivanje jedan od zahtjeva Evropske unije.

Mogući problemi i rizici u realizaciji ovog operativnog cilja mogu se pojaviti ukoliko dođe do nedovoljno ostvarene saradnje sa nadležnim sudovima i tužilaštvima, te nedostatku finansijskih sredstava neophodnih za realizaciju planiranih aktivnosti.

Operativni cilj 4 - Unapređenje saradnje i koordinacije između Agencije, pravosudnih organa, policijskih agencija i drugih institucija koje imaju obavezu da postupaju po odredbama Zakona, kao i drugih pravnih subjekata u Bosni i Hercegovini, te uspostavljanje i unapređenje saradnje sa istim ili sličnim agencijama iz zemalja regije i Evropske unije, kao i kontinuirana edukacija uposlenika navedenih institucija koji su direktno u vezi sa procesom oduzimanja nezakonito stečene imovinske koristi

U okviru ovog operativnog cilja u toku 2019. godine Agencija planira da dodatno unaprijedi saradnju i koordinaciju sa nadležnim sudovima i tužilaštvima, a naročito sa Visokim sudskim i tužilačkim vijećem u cilju prepoznavanja zajedničkih ciljeva i realizacije istih, te da saradnju sa institucijama koje imaju obavezu da postupaju po odredbama Zakona dodatno precizira i uredi zaključivanjem sporazuma o uzajamnoj saradnji.

Kako bi Agencija preuzela najbolja iskustava o načinu upravljanja oduzetom imovinom iz okruženja zbog stvaranja dobre prakse u svom daljem radu, Agencija će nastaviti saradnju sa Među-Agencijskom Balkanskom Mrežom za Povraćaj Imovine (BAMIN).

Takođe, u toku 2019. godine Agencija će predsjedavati BAMIN mrežom, te u skladu sa funkcijom nadgledati spoljašnju komunikaciju u ime Mreže, te godišnje aktivnosti BAMIN-a. Agencija će takođe biti domaćin održavanja konferencije 2019. godine koja će uključivati trenutne članice BAMIN mreže, kao i pridružene buduće zemlje članice BAMIN mreže.

Agencija će nastaviti sa uspostavljanjem saradnje sa pravnim licima specijaliziranim za brigu o specifičnim oblicima imovine sa kojima će putem potpisanih ugovora o saradnji doprinijeti efikasnijem procesu upravljanja oduzetom imovinom.

U toku 2019. godine nastavit će se sa edukacijama uposlenih po pitanju preuzimanja i upravljanja oduzetom imovinom, kao i edukacijama predstavnika institucija koje imaju obavezu postupanja u skladu sa Zakonom, a sve u cilju zajedničkog i koordiniranog rada na provođenju zakona.

S obzirom na činjenicu da je proces edukacije predstavnika institucija koje imaju obavezu postupanja u skladu sa Zakonom, u prethodnim godinama bio finansiran isključivo iz donatorskih sredstava, mogući problemi i rizici u realizaciji ovog operativnog cilja mogu se pojaviti ukoliko Agencija ne bude u mogućnosti da iznađe donatora koji bi prepoznao značaj izdvajanja finansijskih sredstava za realizaciju ovog operativnog cilja.

Operativni cilj 5 – Iniciranje izmjena i dopuna zakonskih i podzakonskih akata i donošenje provedbenih akata koji normativno razrađuju proces oduzimanja i upravljanja nezakonito stečenom imovinom

Sažetak prioriteta u okviru ovog operativnog cilja u 2019. godini odnosi se na pokretanje inicijative za izradu izmjene i dopune zakonskih i podzakonskih akata, te donošenje provedbenih akata koji normativno razrađuju proces oduzimanja i upravljanja nezakonito stečenom imovinom.

Realizacijom ovog operativnog cilja pospiješit će se, odnosno unaprijedit će se proces upravljanja oduzetom imovinom, kako bi se isto odvijalo na transparentan, efikasan način, koji garantira zaštitu javnog interesa i odvija se u korist društvene zajednice.

Mogući problemi i rizici u realizaciji ovog operativnog cilja mogu se pojaviti ukoliko predloženi zakonski i podzakonski akti ne budu usvojeni od strane Vlade Federacije Bosne i Hercegovine i Parlamenta Federacije Bosne i Hercegovine.

3. PREGLED RELEVANTNIH SUBJEKATA KOJI SU KONSULTOVANI PRI IZRADI GODIŠNJEG PLANA RADA AGENCIJE

Zakonom o oduzimanju nezakonito stečene imovine krivičnim djelom utvrđeno je da je Agencija nezavisna i samostalna upravna organizacija. U skladu sa navedenim Agencija ne djeluje u sklopu federalnog ministarstava, te samim tim ne podliježe obavezi da svoj Plan rada usaglašava sa strateškim ciljevima i prioritetima drugih federalnih organa uprave.

Prilikom izrade plana rada Agencija se vodila djelokrugom svojih nadležnosti, a svi sektori unutar Agencije su dostavili podatke o planiranim ciljevima i aktivnostima, što znači da su prilikom izrade godišnjeg plana rada konsultovani svi sektori unutar Agencije u skladu sa opisom poslova sektora prema važećem Pravilniku o unutrašnjoj organizaciji Agencije.

PRILOZI:

1. Tabela pregled operativnih ciljeva i aktivnosti po strateškim ciljevima,
2. Tabela prikaz plana normativnih aktivnosti.

Broj: 01-02-3-530/2018
Sarajevo, 28.11.2018. godine

**PO OVLAŠTENJU DIREKTORA
POMOĆNICA DIREKTORA**

Nerma Bavčić

**Zaključkom Vlade Federacije V.broj: 1475/2018 od 12.12.2018. godine USVOJEN
Plan rada FAZUOI za 2019. godinu**

GODIŠNJI PLAN RADA FEDERALNE AGENCIJE ZA UPRAVLJANJE ODUZETOM IMOVINOM
Operativni ciljevi i aktivnosti po strateškim ciljevima

Strateški cilj 1: POVEĆANJE UČINKOVITOSTI SVIH PROCESA KOJI SU DIREKTNO ILI INDIREKTNO VEZANI ZA PROCES UPRAVLJANJA ODUZETOM IMOVINOM U SKLADU SA LEGISLATIVOM I DOBROM PRAKSOM EVROPSKE UNIJE		(navesti naziv i broj programa iz DOB-a)		Budžet	891.000,00 KM	
				PJI		
				Ostalo		
Operativni cilj 1.1: Očuvanje vrijednosti oduzete imovine				Budžet	416.161,59	
				PJI		
				Ostalo		
Mjere učinka za izlazne (direktne) rezultate (preuzeti iz togodišnjeg plana)		Očekivani godišnji rezultat (preuzeti iz trogodišnjeg plana)				
Broj predmeta po kojima se postupalo		17				
Broj angažovanih stručnih lica za procjenu imovine		5				
Broj realizovanih obilazaka zakupaca		30				
Broj realizovanih servisno-tehničkih pregleda motornih vozila		5				
Broj kontroliranih izvještaja privrednih subjekata		38				
Skladišni prostor uređen i održavan		uređen skladišni prostor				
Redni broj	Naziv aktivnosti	Rok izvršenja (po kvartalima)	Nositelj (najmanji organizacioni dio)	Vlada FBiH usvaja (Da/Ne)	Izvori i sredstva u hilj. KM	
1.1.1.	Učinkovito postupanje po predmetima	kontinuirano	Sektor za preuzimanje i upravljanje oduzetom imovinom	Ne	Budžet	121.910,80
					PJI	
					Ostalo	
1.1.2.	Angažman stručnih lica za procjenu imovine i angažman specijalizovanih ustanova za podršku prilikom upravljanja pojedinim vrstama imovine	kontinuirano	Sektor za preuzimanje i upravljanje oduzetom imovinom i Sektor za materijalno-finansijske poslove	Ne	Budžet	38.003,00
					PJI	
					Ostalo	

1.1.3.	Održavanje nekretnina-redovni kontakti i obilasci zakupaca	kontinuirano	Sektor za preuzimanje i upravljanje oduzetom imovinom	Ne	Budžet	55.048,08
					PJI	
					Ostalo	
1.1.4.	Redovni servisno-tehnički pregledi motornih vozila koja su privremeno oduzeta	kontinuirano	Sektor za preuzimanje i upravljanje oduzetom imovinom	Ne	Budžet	15.000,00
					PJI	
					Ostalo	
1.1.5.	Upravljanje privrednim subjektima, redovni obilasci privrednih subjekata i usvajanje mjesečnih izvještaja o radu privremenih upravitelja	kontinuirano	Sektor za preuzimanje i upravljanje oduzetom imovinom	Ne	Budžet	150.205,10
					PJI	
					Ostalo	
1.1.6.	Uređivanje i održavanje skladišnog prostora za smještaj oduzete imovine	kontinuirano	Sektor za preuzimanje i upravljanje oduzetom imovinom	Ne	Budžet	35.994,61
					PJI	
					Ostalo	
Operativni cilj 1.2: Učinkovito postupanje sa trajno oduzetom imovinom					Budžet	50.810,84
					PJI	
					Ostalo	
Mjere učinka za izlazne (direktne) rezultate (preuzeti iz togodišnjeg plana)		Očekivani godišnji rezultat (preuzeti iz trogodišnjeg plana)				
Imovina data za opšti interes i društvenu upotrebu		2				
Broj objavljenih oglasa o prodaji		3				
Redni broj	Naziv aktivnosti	Rok izvršenja (po kvartalima)	Nositelj (najmanji organizacioni dio)	Vlada FBiH usvaja (Da/Ne)	Izvori i sredstva u hilj. KM	
1.2.1.	Korištenje trajno oduzete imovine za opći interes i društvenu upotrebu	kontinuirano	Sektor za preuzimanje i upravljanje oduzetom imovinom i Sektor za pravne i opće poslove	Ne	Budžet	44.810,84
					PJI	
					Ostalo	
1.2.2.	Transparentno i brzo objavljivanje oglasa o prodaji trajno oduzete imovine u skladu sa Zakonom i postizanje maksimalne prodajne cijene trajno oduzete imovine	kontinuirano	Sektor za preuzimanje i upravljanje oduzetom imovinom i Sektor za pravne i opće poslove	Ne	Budžet	6.000,00
					PJI	
					Ostalo	

Operativni cilj 1.3: Provođenje analiza u području oduzimanja imovinske koristi pribavljene krivičnim djelom						Budžet	170.268,66
						PJI	
						Ostalo	
Mjere učinka za izlazne (direktne) rezultate (preuzeti iz togodišnjeg plana)		Očekivani godišnji rezultat (preuzeti iz trogodišnjeg plana)					
Broj zaključenih sporazuma u cilju harmonizacije postupka izrade i primjene metodologije		1					
Ispravno, pouzdano i zakonito vođenje knjiga evidencija		efikasno					
Ispravno, pouzdano i zakonito vođenje prihoda i troškova		efikasno					
Urađene analize i dostavljene nadležnim institucijama		1					
Redni broj	Naziv aktivnosti	Rok izvršenja (po kvartalima)	Nositelj (najmanji organizacioni dio)	Vlada FBiH usvaja (Da/Ne)	Izvori i sredstva u hilj. KM		
1.3.1.	Harmonizacija postupka izrade i primjene metodologije o načinu prikupljanja podataka, statističkih izvještaja i drugih informacija o postupcima za oduzimanje imovinske koristi pribavljene krivičnim djelom	IV kvartal	Sektor za analitičko-strateške poslove	Ne	Budžet	11.865,46	
					PJI		
					Ostalo		
1.3.2.	Ispravno, pouzdano i zakonito vođenje knjiga evidencija prema Uputstvu	kontinuirano	Sektor za preuzimanje i upravljanje oduzetom imovinom	Ne	Budžet	58.749,99	
					PJI		
					Ostalo		
1.3.3.	Ispravno, pouzdano i zakonito vođenje prihoda i troškova koji se ostvaruju po osnovu upravljanja oduzetom imovinom	kontinuirano	Sektor za preuzimanje i upravljanje oduzetom imovinom	Ne	Budžet	39.842,37	
					PJI		
					Ostalo		
1.3.4.	Urađena analiza predmeta u kojima je izrečena mjera oduzimanja imovinske koristi pribavljene krivičnim djelom u Federaciji Bosne i Hercegovine u toku 2019. godine	I kvartal	Sektor za analitičko-strateške poslove	Da	Budžet	59.810,84	
					PJI		
					Ostalo		
Operativni cilj 1.4: Unapređenje saradnje i koordinacije između Agencije, pravosudnih organa, policijskih agencija i drugih institucija koje imaju obavezu da postupaju po odredbama, kao i drugih pravnih subjekata u Bosni i Hercegovini, te uspostavljanje i unapređenje saradnje sa istim ili sličnim agencijama iz zemalja regije i Evropske unije, kao i kontinuirana edukacija uposlenika navedenih institucija koji su direktno u vezi sa procesom oduzimanja nezakonito stečene imovinske koristi						Budžet	140.735,36
						PJI	
						Ostalo	

Mjere učinka za izlazne (direktne) rezultate (preuzeti iz togodišnjeg plana)		Očekivani godišnji rezultat (preuzeti iz trogodišnjeg plana)				
Broj potpisanih sporazuma		2				
Broj održanih konferencija		1				
Broj realizovanih obuka		7				
Broj održanih sastanaka		10				
Broj održanih radionica		3				
Redni broj	Naziv aktivnosti	Rok izvršenja (po kvartalima)	Nositelj (najmanji organizacioni dio)	Vlada FBiH usvaja (Da/Ne)	Izvori i sredstva u hilj. KM	
1.4.1.	Potpisivanje sporazuma o uzajamnoj saradnji između Agencije, pravosudnih institucija i policijskih agencija, kao i potpisivanje ugovora sa ustanovama i pravnim licima specijaliziranim za brigu o specifičnim oblicima imovine	kontinuirano	Sektor za preuzimanje i upravljanje oduzetom imovinom i Sektor za materijalno-finansijske poslove	Ne	Budžet	39.266,84
					PJI	
					Ostalo	
1.4.2.	Nastaviti saradnju sa agencijama koje se bave upravljanjem u regionu, te predsjedavati BAMIN mrežom u 2019. godini	kontinuirano	Sektor za analitičko-strateške poslove	Ne	Budžet	39.266,84
					PJI	
					Ostalo	
1.4.3.	Organizovanje regionalne konferencije „Najbolji modeli i dobre prakse u području upravljanja oduzetom imovinskom koristi pribavljene krivičnim djelom II“	II kvartal	Sektor za analitičko-strateške poslove	Ne	Budžet	
					PJI	
					Ostalo	TAIEX
1.4.4.	Edukacija uposlenih po pitanju preuzimanja i upravljanja oduzetom imovinom, kao i edukaciju kroz multidisciplinarnu obuku predstavnika institucija koje imaju zakonsku obavezu postupanja u okviru postupka za otkrivanje, osiguranje, privremeno oduzimanje, oduzimanje, izvršenje i upravljanje sa imovinom pribavljenom izvršenjem krivičnog djela radi zajedničkog i koordiniranog rada na provođenju zakona	kontinuirano	Sektor za edukaciju	Ne	Budžet	50.810,84
					PJI	
					Ostalo	
1.4.5.	Održavanje redovnih sastanaka sa sudijama i tužiteljima u cilju jačanja saradnje u operativnom smislu	kontinuirano	Sektor za preuzimanje i upravljanje oduzetom imovinom	Ne	Budžet	11.390,84
					PJI	
					Ostalo	

1.4.6.	Održavanje radionica na temu preuzimanje oduzete imovine-slučajevi iz prakse	kontinuirano	Sektor za preuzimanje i upravljanje oduzetom imovinom	Ne	Budžet	
					PJI	
					Ostalo	TAIEX
Operativni cilj 1.5: Iniciranje izmjena i dopuna zakonskih i podzakonskih akata i donošenje provedbenih akata koji normativno razrađuju proces oduzimanja i upravljanja nezakonito stečenom imovinom					Budžet	113.023,55
					PJI	
					Ostalo	
Mjere učinka za izlazne (direktne) rezultate (preuzeti iz togodišnjeg plana)		Očekivani godišnji rezultat (preuzeti iz trogodišnjeg plana)				
Broj pokrenutih inicijativa za izmjene i dopune zakona		1				
Broj pokrenutih inicijativa za donošenje podzakonskih akata		1				
Broj pokrenutih inicijativa za donošenje izmjena i dopuna postojećih podzakonskih akata		1				
Broj donesenih internih provedbenih akata		7				
Redni broj	Naziv aktivnosti	Rok izvršenja (po kvartalima)	Nositelj (najmanji organizacioni dio)	Vlada FBiH usvaja (Da/Ne)	Izvori i sredstva u hilj. KM	
1.5.1.	Inicirati izmjene i dopune Zakona o oduzimanju nezakonito stečene imovine krivičnim djelom	IV kvartal	Sektor za preuzimanje i upravljanje oduzetom imovinom i Sektor za pravne i opće poslove	Da	Budžet	46.576,61
					PJI	
					Ostalo	
1.5.2.	Inicirati izmjene i dopune Pravilnika o postupku prodaje, najma, čuvanja i održavanja oduzete imovine	IV kvartal	Sektor za preuzimanje i upravljanje oduzetom imovinom i Sektor za pravne i opće poslove	Da	Budžet	13.289,32
					PJI	
					Ostalo	
1.5.3.	Donijeti procedure za što učinkovitije i transparentnije korištenje trajno oduzete imovine za opći interes i društvenu upotrebu kao i procedura iz drugih oblasti rada Agencije	kontinuirano	Sektor za preuzimanje i upravljanje oduzetom imovinom i Sektor za pravne i opće poslove	Da	Budžet	13.289,32
					PJI	
					Ostalo	
1.5.4.	Sačiniti godišnji Izvještaj o radu Agencije	I kvartal	Sektor za analitičko-strateške poslove	Da	Budžet	13.289,32
					PJI	
					Ostalo	

1.5.5.	Sačiniti godišnji Plan rada Agencije	IV kvartal	Sektor za analitičko-strateške poslove	Da	Budžet	13.289,32
					PJI	
					Ostalo	
1.5.6.	Sačiniti trogodišnji plan rada Agencije za period 2020-2022. godina	IV kvartal	Sektor za analitičko-strateške poslove	Da	Budžet	13.289,66
					PJI	
					Ostalo	

PLAN NORMATIVNIH AKTIVNOSTI

Redni broj	Naziv akta	Planirani rok za pripremu	Predlagač akta	Da li je potrebno usklađivanje sa pravnim naslijeđem EU	Razlozi za donošenje
Strateški cilj 1 POVEĆANJE UČINKOVITOSTI SVIH PROCESA KOJI SU DIREKTNO ILI INDIREKTNO VEZANI ZA PROCES UPRAVLJANJA ODUZETOM IMOVINOM U SKLADU SA LEGISLATIVOM I DOBROM PRAKSOM EVROPSKE UNIJE					
A. Propisi za koje se neće provoditi sveobuhvatna procjena uticaja					
	Inicirati izmjene i dopune Zakona o oduzimanju nezakonito stečene imovine krivičnim djelom		Sektor za preuzimanje i upravljanje oduzetom imovinom i Sektor za pravne i opće poslove		Unapređenje postojećih odredbi
	Inicirati izmjene i dopune Pravilnika o postupku prodaje, najma, čuvanja i održavanja oduzete imovine		Sektor za preuzimanje i upravljanje oduzetom imovinom i Sektor za pravne i opće poslove		Unapređenje postojećih odredbi
B. Propisi za koje će se provoditi sveobuhvatna procjena uticaja					
	-	-	-	-	-